



INATSISARTUT

**Ilinniartitaanermut, Ilageeqarnermut, Kulture-
qarnermut Naligiissitaanermullu Naalakker-
suisoq**

Ulloq: 10. oktober 2013

J.nr.: 01.31.11-00013

TUAVIORTOQ

**Aningaasaqarnermut Akileraartarnermullu Ataatsimiititaliap ataasingornermi ulloq
14. oktober 2013, nal. 09.00 ataatsimiittarfik 1-mi Naalackersuisumik apersuinissaa-
nut aggeqqusissut.**

2014-imi aningaasanut inatsisissatut siunnersuummut tunngasumik Aningaasaqarnermut Ataatsimiititaliap Naalackersuisumik apersuinissaanut matumuuna aggersaasoqarpoq. Aggeqqusissummut tunngaviuvoq 2014-imi aningaasanut inatsisissatut siunnersuummut Aningaasaqarnermut Ataatsimiititaliap apequtaanut Naalackersuisut akissutaat.

Naalackersuisumik apersuinermi makku oqaluuserineqarnissaat ataatsimiititaliamit kissaatigineqarput:

Apeqquut 1

Apeqqummut tunuliaqutaasoq:

Apeqquut 9.2-mut Naalackersuisup akissutaa konto pingarneq 40.02.01-imut tunngasoq.

Naalackersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) Nuummi ilinniartut ilinniartunut inissiamut inissinneqarsinnaasimangitsut allamut inissinneqarnerat qanoq akeqarnersoq paasissutissiissutigineqassasoq ataatsimiititaliamit kissaatigineqarpoq.
- b) Nuummi ilinniartunut inissiat piffissami sivisuumi malunnaatilimmik amigaataaneri ajornartorsiutaavoq. Sermersuup kommuniata tamatumani pisussaaffimminik isumaginninnaanerminut piginnaasaqarnera piumassuseqarneralu Naalackersuisunit malitseqartinneqalersarpa?

Apeqquut 2

Apeqqummut tunuliaqutaasoq:

Apeqquut 9.10-mut Naalackersuisup akissutaa konto pingarneq 40.90.13-imut tunngasoq.

Naalackersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) Apeqqummut Naalackersuisup akissutaa ataatsimiititaliamit ima paasineqarpoq; tarnikkut inooqataanikkullu nuna tamakkerlugu ilinniartunik siunnersuisarfiup siuner-tarigaa ilinniarfinni naammassinnittartut procentiisa amerlinissaat aammalu ilinniartut innuttaasullu Piareersarfittut tamarmik pitsaanerpaamik inuuneqalernissaat kiisalu atornerluinerit ingerlateqqinneqarnissaasa pinaveersaartinneqarnissaa. Taamaalillu-

nilu atornerlunneqarsimasut pitsaanerusumik inuuneqalernissaanut suliniarneq allat taamatut neqeroorfigineqarnissaannik mattussinngitsaq. Naalakkersuisup oqaaseqaateqarnissaa qinnutigineqarpoq.

Apeqquut 3

Apeqquummut tunuliaqutaasq:

Apeqquut 9.15-imut Naalakkersuisup akissutaa konto pingaarneq 40.92.10-mut tunngasq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) Apeqquutit sorliit suleqatigiissitamit suliarineqarsimanersut aammalu aningaasaqarnikkut ajornartorsiutit suut suliarineqarsimanersut erseqqissarneqassasq ataatsimiititaliamit kissaatigineqarpoq.
- b) Højskolit aningaasaqarnikkut ajornartorsiutaat qanoq aaqqinneqassanersut isumaqatigiissutigineqarsinnaanngippat aningaasanut inatsimmut kingunissai ataatsimiititaliamit paaserusunneqarput.

Apeqquut 4

Apeqquummut tunuliaqutaasq:

Apeqquut 9.18-imut Naalakkersuisup akissutaa konto pingaarneq 40.92.16-imut tunngasq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) Tamanna pillugu kikkut inatsimmi pineqarnersut pinnagu Oqaatsinik Pikkorissarfiup ilinniartitsinermik ingerlatsinera kikkunnt naatsorsuussaansoq paasissutissiissutigineqassasq ataatsimiititaliamit kissaatigineqarpoq. Taamaattumillu Inatsisartut imm. UKA 2013/80-imik suliarinninnerat tunngavigalugu kalaallit oqaasiisa ilinniarnissaannut siammarternissaannullu periarfissat annertusarneqarnissaat siunertaralugu Naalakkersuisut Oqaatsinik Pikkorissarfirmut saaffiginninnissaannik oqaaseqaatini itisileqqullugu Naalakkersuisoq qinnuigineqarpoq.
- b) Perorsaanermik Ilinniarfimmu sanilliullugu Oqaatsinik Pikkorissarfiup ilinniartumut ataatsimut ukiumut aningaasartuutai eqqarsaatigalugit Oqaatsinik Pikkorissarfik suleqatigalugu kalaallit oqaasiisa ilinniarnissaannut siammarternissaannullu periarfissat annertusarneqarnissaannik Naalakkersuisut kissaataata aningaasanut inatsimmut sunniutigisinnaasai paasissutissiissutigineqassasut ataatsimiititaliamit kissaatigineqarpoq.

Apeqquut 5

Apeqquummut tunuliaqutaasq:

Apeqquut 9.22-mut Naalakkersuisup apeqqutaa konto pingaarneq 40.94.18-imut tunngasq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) Katuaq pillugu paasissutissat kissaatigineqartut Naalakkersuisunit ujarorneqarsimanersut paasissutissiissutigineqassasq ataatsimiititaliamit kissaatigineqarpoq. Katuap Kalaallit Nunaat tamakkerlugu Kulturip Illorsuatut atuuttut ataatsimiititaliamit isigineqarnera pissutigalugu apeqquutip akinneqarnissaa ataatsimiititaliamit aalajangiusimaneqarpoq.

Naalakkersuisumik apersuinermini allanik aamma apeqquteqarnissani ataatsimiititaliap naatsorsuutigaa.

Ataatsimiititaliap Naalakkersuisumik apersuinerata Naalakkersuisup ataatsimiititaliallu akornanni pingaarnersiulluni tullerriiarinerit anguniakkallu pillugit naalakkersuinermit tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik apersuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik apersuinerata kinguningua uunga nassiunneqarnissaa qinnutigineqarpoq: sakkak@ina.gl. Allakkiap ataatsimiititaliap Naalakkersuisumik apersuinissaanut nassarneqarpat atorneqarpallu taasuma nuutinnera ataatsimiititaliap Naalakkersuisumik apersuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Finn-Karlsen
Ataatsimiititaliap siulittaasua